

欽定四庫全書

普濟方卷八十九

明 周王朱橚 撰

諸風門

中風

秦艽散

一名桂心散
出聖濟總錄

治中風汗出不止

秦艽

去苗
土

白朮

桂

去粗
皮

附子

炮裂去
臍皮

石斛

各一
兩去

根

右為散每服三錢匕空腹溫酒調下日再

欽定四庫全書

普濟方

葛根湯

出聖濟
總錄

治中風因飲酒過節不能言語手足

不隨精神恍惚得病一兩日服

生葛根

長一尺
有六寸

竹瀝

二升

生薑乾

一合

右先取生葛根洗刮去皮土搗研壓取汁葛滓再搗

以竹瀝沃復壓取汁盡為度將生薑汁和勻同用厚

綿濾過銀石銚內煎三五沸磁器盛不拘時候食前

溫服如覺腹內氣轉作聲似痛即食後溫服如此服

七日後可服九味附子湯補之



治中風面目相引口偏着耳牙車急舌不得轉方 <small>出仁存方</small>	獨活 <small>兩三</small> 竹瀝 生地黄汁 <small>各一升</small>	右合煎取一升頻服之即愈	大豆紫湯 治中風頭眩惡風自汗吐冷水及產後百病或中風痲症背強口噤直視煩熱 <small>方見風症類</small>	木香羌活散 <small>出經方</small> 治中風頭目昏痛心曾煩悶氣	逆痞滯調順榮衛進飲食	南木香 藁本 <small>各三分</small> 羌活 川芎 人參 白朮	欽定四庫全書 普濟方	炮 薏苡仁 大檳榔 <small>各一兩</small> 枳殼 <small>去穢炒</small> 白茯苓 荆芥穗 <small>各半兩</small>	右為末每服三錢匕水一盞生薑二片煎至七分去滓稍熱服	治中風但腹中切痛 <small>出肘後方方見本門風入腹拘急切痛類即食鹽方</small>	星附湯 <small>出濟生方</small> 治因中風痰涎壅塞不省人事脉來沉伏服涼藥不得者	附子 <small>生去皮</small> 南星 <small>生去皮</small> 木香 <small>不見火半兩</small>
--	---	-------------	---	---------------------------------------	------------	---------------------------------------	---------------	---	--------------------------	---	--	---



匙細嚼藥一粒窸氣少時用前酒送下臨卧服	蓋薑七片薄荷七葉同煎七分去滓後入温腦子一	右研為末煉蜜丸彈子大每一丸如服藥先以酒一	川烏 <small>五兩炮 微黃色</small> 五靈脂 <small>取淨二 兩半</small> 沒藥 乳香 <small>各一 錢</small>	言不正不省人事一切風證	夢仙備成丹 <small>一名烏 龍丹</small> 治卒急風中癱瘓口眼喎斜語	熱毒 <small>方見諸風 雜治類</small>	緊急不省人事并解上焦壅熱痰涎咽喉腫閉一應	欽定四庫全書 普濟方	解毒雄黃丸 <small>一名雄黃救命 丹出醫方大成</small> 治中風卒然倒撲牙關	重治法前方生薑十片煎服	香二錢名星香湯○或兼用小續命湯在臨時量輕	灸之○氣纔正人事稍甦痰下却只用南星八錢木	痰涎壅塞聲如拽鋸服藥不下宜於關元丹田二穴	者加川烏名三生飲○弱甚者加天雄名三建湯○	温服不以時兼寒者用熟附子○沉困而手足厥冷	右咬咀每服四錢水一盞半薑九片煎至七分去滓
--------------------	----------------------	----------------------	---	-------------	--	--------------------------------	----------------------	---------------	--	-------------	----------------------	----------------------	----------------------	----------------------	----------------------	----------------------



治手足躓曳言語蹇澁行履不正

大川烏

五兩去皮
臍生用

沒藥

半兩
研

五靈脂

五兩
去石

右入麝香不拘多少研細拌和滴水丸如彈子大每

服一丸生薑汁研化熱酒浸量力服之

三建湯

出如
宜方

治中風風涎不省人事

附子 天雄

烏頭

各等分生用
去皮臍薄切

右每藥一兩生薑一兩同水三大盞煎至一盞半去

滓溫服

欽定四庫全書

普濟方

人參訶子散 治中風涎盛不省人事

人參 訶子

青白者
炒去核

甘草

右件各等分為末每服二錢白沸湯點服如卒中風

痰壅不省人事急投此藥神效無比即便省也

桂枝湯 治中風汗出乾嘔

桂 甘草

炙三
兩

大棗

十二
枚擘

右切以水五升煮取二升半分三服一方用生薑五

兩忌生葱海藻菘菜



三生飲

出簡易方

治卒中風昏不知人事口眼喎斜半身

不遂咽喉作聲痰氣上壅無問外感風寒內傷喜怒

或六脉沉伏或脉大浮盛并宜服之兼治痰厥飲厥

及氣虛眩暈悉有神效但口開手散眼合遺尿聲如

鼾睡者難療

方見卒中風類

烏龍丸

一名錫藥丸

治中風肢體麻痺頑疼少力

方見偏風類

吐痰白礬散

出聖濟總錄

治初中風失音不語昏冒不知

人事先宜吐風痰令省覺次可服諸湯散

欽定四庫全書

普濟方

白礬

二兩生用

生薑

一兩連皮擦碎水二升煮取一升二合

右先細研白礬為末入濃煎薑湯研濾分三服漸漸

灌須臾吐出痰毒眼開風退方可救治若氣衰力弱

不宜用猛性藥吐之設吐得痰毒別增疾勢

取涎丸

出聖濟總錄

治中風病不語喉中如拽鋸口中沫

出

藜蘆

一分天南星大者一枚去浮皮剉中作坑入醋令八分滿四面用火逼乾黃色

劉



右為末用麪糊丸如梧桐子每服三丸温酒下良久吐出涎為效吐不止用冷葱湯呷即止

治中風涎伏在膈上難出者并咽作聲出海上名方

藜蘆一兩 去皮瓜蒂三七

右為細末每服半錢臘茶清調下吐出風涎為效

楊氏神栢散出危氏方 治中風不省人事涎潮口噤語言

不出手足譚曳得病之日便進此藥可使風退氣和不成廢人卒有此證無藥去處用之得力

欽定四庫全書

普濟方

栢葉一握 去枝葱白一握 同根

右研如泥用無灰酒一升同煎一二十沸去滓温服不拘時如不飲酒須分作四五服服盡方進他藥

二聖飲 治中風

雄黑豆半升 皂角針剉半

右用無灰酒二升同煎至半升去粗服汗為度

薑附湯出簡易方 治中風口噤四肢強直失音不語或卒

然暈倒口吐涎沫狀如暗風手足厥冷或復煩躁兼



治陰證傷寒大便自利而發熱者及中脘虛寒久積
痰水心腹冷痛霍亂轉筋四肢厥逆

乾薑 熟附子 各二兩

右咬咀每服四錢水二盞煎至六分去滓溫服若其
人未蘇甦則先用三生飲方中治法後方服此或慮
此藥大燥即以附子理中湯相繼服餌薑 湯本治
傷寒經下之後又復發汗內外俱虛身無太熱晝日
煩躁夜即安靜不嘔不渴六脉沉伏○一方附子生

欽定四庫全書

普濟方

用名白通湯治傷寒發熱大便自利○一方用白通
湯倍加白术甘草減半名生附白术湯治中風濕昏
悶恍惚腹痛身重手足緩縱津津自汗失音不語便
利不禁○一方用薑附湯加麻黄白术甘草人參等
分名附子麻黄湯治中寒濕昏暈緩弱腰背強急口
眼喎斜語聲混濁心腹腫脹氣上喘急不能動轉已
上證候各宜詳審用之○澹寮方云千金方治卒中
風痰塞壅生薑八兩附子減半並用生者同陳氏三



<p>因方用等分炮熟薑附王氏因之改乾薑為生薑附子用熟者然既知其未穩當從古方可也乃持兩端以嘗試未為切當其云治中寒口禁與陰証傷寒下利不渴手足逆冷小便反利汗出過多脉微欲絕此氣脫証兼服炮薑炮附子亦未為過今中寒昏倒口吐痰沫而遽服熟附烏知寒邪不因補而盛耶當先以生薑附與之或未效徐投以半生半熟者人或虛甚然後以熟薑附未晚也是雖陳氏不審之故而王</p>	<p>氏不能發明之安得不任其咎</p>	<p>欽定四庫全書</p>	<p>普濟方</p>	<p>木香湯 治丈夫婦人中風氣痺其疾作之初切不可</p>	<p>以治風暝眩之藥與服若大段有痰即畧與不損氣者下涎藥方定如手足緩弱不遂即便與此藥服</p>	<p><small>風癱 緩類</small></p>	<p>蘇青丸 和氣血散風痰亦可常服</p>	<p>右以蘇合香丸與青州白丸子打和薑蘇湯化下</p>	<p>桂心丸 <small>出十便 良方</small> 治中風雖能舉動尚口眼不正</p>
---	---------------------	---------------	------------	------------------------------	--	---------------------------------	-----------------------	----------------------------	---



右用桂一兩碾為細末每用半兩好酒一盞煎藥成膏塗尚不啞處次用紙或軟帛子貼蓋定取新瓦二片火上頻換炙令熱熨貼藥上候纔覺口正便速去藥用溫湯洗之如左啞搦右右啞搦左○一方以酒煮汁蘸搦病上○一方治舌強不語以桂末着舌下漸漸嚥汁水漿嗽去涎沫○一方治中風失音用水煎服之復取汁亦可

旋覆丸 治中風不省人事涎潮口禁語言不出手足

欽定四庫全書

普濟方

譚曳得病之日便進此藥可使風退氣和不成廢人卒有此證無藥處用之得效又治中風及壅滯

用旋覆花即金沸草淨洗為末蜜丸如梧桐子大夜卧茶湯下五丸至七丸

治風涎暴作氣塞倒卧

用瓜蒂約半寸許暴極乾不限多少為細末量疾每用一二錢以膩粉一錢匕水半合同調勻灌之良久涎自出或覺有涎用諸藥行化不下但如此服即出



或服藥良久涎未出含沙糖一塊下咽即涎出此物甚不損人

治中風不省人事牙關緊急者

用藜蘆一兩去蘆頭濃煎防風湯浴過焙乾碎切炒微褐色為末每服半錢溫水調下以吐出涎為效如人行三里未吐再服

治中風心肺風熱手足不遂及風痺不仁筋脉散緩恍惚煩躁

欽定四庫全書

普濟方

用熊肉一斤切如常法酒調和作脍腊空腹服之

治筋骨急強中風

方見本門中風百節疼痛類

治中風

取杏仁去皮熬令赤和桂末研如泥綿裹如指大含之

活鼠方 治項強身中急痛者

取活鼠破其腹去五臟就熱傅之即可一方治中卒風腰脊反張牙關口禁四肢強直用鼠一頭和尾燒



灰為末以臘月猪脂傅之	又方 療患風疾數年不效者朱真人治風坑湯野人	閑話朱真人靈驗篇云有病者患風疾數年不效風	科集驗方掘坑令患者解衣坐於坑內遂以熱湯上	淋之良久復以簞蓋之瘥	敗龜散 治中風賊風麻痺風疾	龜卜師處鑽了者以酥塗灸搗羅細末酒下二錢用	雞卵和豆淋酒服之一方治中風手足顫掉禪曳者	欽定四庫全書 普濟方	為末以飯為丸每服二十九丸溫酒下	治中風立有奇效 <small>出聖 惠方</small>	用木天蓼一斤去皮細剉以生絹袋盛好酒一斗浸	之春夏一七日秋冬二七日後開每空心日午初夜	各溫飲一盞老幼臨時加減若常服日只每朝一盞	破棺散 <small>出經 良方</small> 治中風牙已緊無門下藥 <small>方見本門 卒中風類</small>	名問 關散	治三十六種風 <small>方見本門諸風雜治 類即馬齒膏出本草</small>
------------	-----------------------	----------------------	----------------------	------------	---------------	----------------------	----------------------	---------------	-----------------	-------------------------------------	----------------------	----------------------	----------------------	---	----------	--



右件為細末醋煮麵糊為丸每一兩作十五丸每服	遍 蠍稍 用糯米一合炒黃 黑色揀去米不用	天南星 炮 白殭蠶 炒去絲嘴 川烏頭 炮去皮臍 半夏 切片了湯浸七	急半身不遂口眼喎斜	五珍丹 出楊氏家藏方 治男子婦人中風涎潮不語牙關緊	右為細末煉蜜為丸如彈子大每服一九竹葉湯下	風 各等分	當歸 龍膽 川芎 梔子 羌活 大黃 防	欽定四庫全書 普濟方	瀉青丸 出保命集 治中風自汗昏冒發熱不惡寒不能安	卧此是風熱煩躁	一兩沸溫服	荆瀝各一合煎一盞去滓入牛黃鐵精二樣訖再煎	右除牛黃鐵精外餘藥為末每五錢水二盞入竹瀝	兩 龍齒 茯苓 天門冬 去心 梔子仁 各二兩	牛黃 三分 別研 人參 麥門冬 去心各二兩 升麻 鐵精 各一	荆瀝湯 出指南方 治中風虛熱狂言恍惚驚悸
----------------------	----------------------------	--	-----------	------------------------------	----------------------	-------	---------------------	---------------	-----------------------------	---------	-------	----------------------	----------------------	------------------------------	---	-------------------------



一九用生薑自然汁化下不拘時候

川芎散

出朱氏
集驗方

治中風中氣先服此藥

川芎

人參

枳殼

各一兩

沉香

香附子

各二錢

木

香

一兩

右為細末每服三錢以沸湯入鹽點灌之

治中風手足偏痺筋縮急脚膝痿痺不能行步

余居士
選奇方

牛膝

川當歸

防風

芍藥

五加皮

生薑

各六兩

羌活

乾葛

桂心

各八分

甘草

四分

薏苡仁

二十

欽定四庫全書

分

普濟方

右剉為末作七貼每一貼水一升棗子二枚同煎至

六合無時服

大省風湯

出楊氏
家藏方

附子

吳未

一兩

肉蓯

一方使
丁香

天南星

防風

各半兩

藿香

一分

右為飲片每服三錢生薑五片煎去滓服常服以防

天陰雨作



硃砂丸 治中風涎停留胃上令吐

生薄荷

猪牙皂角

二味研碎各二兩以水一升
搗令如草葉絞取汁用銀器

中熬瓜蒂 一兩

成膏藜蘆 去苗半

硃砂 半兩

研

右將三味研勻用前膏子和丸雞頭大每服二丸温

酒吞下口噤者用物幹開口灌之得藥下立吐為佳

治中風論

如是病人無汗者
方可用麻黃表之

夫中風者蓋五臟俱虛乃得是病醫者不治其本先以

治風藥如續命湯排風湯之類投之間有見牙關急緊便

欽定四庫全書

普濟方

下靈寶至寶硃砂牛黃之屬以搐鼻吐涎無不極至有

一於此不復得為全人矣蓋續命排風湯中有杏仁麻

黃之類若投一劑一表而虛必為左癱右瘓之人矣良

由真氣乘虛應表而出筋脉乾枯也大凡治風之藥往

往性涼未宜遂服若醫者察証辨脉的知是中風之候

亦有痰厥類中風者宜先服生附子湯加黑豆三十粒

煎得痰涎不作口眼端正能辨人事然後以朮附湯加

木香煎服間服六味順氣散月餘候補正氣血脉息稍



<p>勻尚有風痰餘証然後服續命排風湯以驅逐之以此</p>	<p>救療百無一失中風甚不難治蓋內外之證分明唯在</p>	<p>醫者謹其始耳或初得疾便有熱證亦須開闕調氣化</p>	<p>涎消滯未宜遽用太熱之藥更在詳審之也安樂後須</p>	<p>宜清居絕慾若更不能不食毒物則必保天年矣<small>如欲調氣化涎</small></p>	<p>宜先服六味順氣散</p>	<p>六味順氣散<small>出衛生寶鑑方</small></p>	<p>白朮<small>五兩微炒黃</small> 白茯苓<small>二兩</small> 人參<small>二兩</small> 陳皮<small>三兩半去白</small> 青</p>	<p>欽定四庫全書 普濟方</p>	<p>皮<small>二兩去白</small> 甘草<small>二兩炮再麩炒</small></p>	<p>右為細末每服三大錢水一盞半棗子一枚薑二片</p>	<p>煎至七分溫服日三四服</p>	<p>羗桂湯 治中風有汗及一切風壅加倍桂枝極佳</p>	<p>川羗活<small>二兩剉</small> 桂枝<small>一兩剉</small> 芍藥<small>五兩剉</small> 甘草<small>一兩半炙</small></p>	<p>右為粗散每服四錢水一盞半生薑五片棗二枚同</p>	<p>煎七分去滓溫服日三服不拘時候</p>	<p>治男子婦人雞爪風等疾手口動搖不能舉物服兩料</p>
------------------------------	------------------------------	------------------------------	------------------------------	---	-----------------	-----------------------------------	---	-------------------	---	-----------------------------	-------------------	-----------------------------	--	-----------------------------	-----------------------	------------------------------



全安 方見本門諸風
雜治類川芎散

犀角升麻湯 出衛生
寶鑑 治中風麻痺不仁鼻額間痛唇

口頰車髮際皆痛不可開口雖言語飲食亦相妨左

額頰上如以手觸之則痛此乃足陽明經受風毒血

微滯而不行故也

犀角 一兩二錢半 升麻 一兩 防風 各七錢 羌活 各七錢 川芎 白

附子 各半兩 黃芩 各半兩 白芷 半兩 甘草 二錢半

右為細末每服五錢水二盞煎至一盞去滓溫服食

欽定四庫全書

普濟方

後日三服足陽明胃也經云腸胃為市如市廛無所

不有也六經之中血氣俱多腐熟飲食故飲食之毒

聚於腸胃故此方以犀角為主解飲食之毒也陽明

經絡環唇挾口起於鼻交額中循頰車上耳前過客

主人循髮際至額顙故王公所患此一經絡也以升

麻佐之餘藥皆滌除風熱黃芩升麻專入胃經為使

也

稀涎散 出聖驗
良方 治風涎不下喉中作聲狀如牽鋸



半夏 大者十四枚生切片 猪牙皂角 一條

右作一服水二盞煎一盞去滓入薑汁少許溫服不能嚥徐徐灌之

奪命通關散 出衛生寶鑑 治中風涎上不省人事

躑躅花 川芎 華陰細辛 龍腦

右四味等分日乾碾為末用少許以筆管吹入鼻中如噴嚏乃可救急將生附子一枚須重一兩以上者去皮薄切入厚朴切連皮老生薑十大片水一碗半

欽定四庫全書

普濟方

同煎至半碗通口灌服

小續命湯 出澹寮方 治八風五痺痿厥等證

麻黃 去節 人參 去蘆 黃芩 芍藥 甘草 炙 川芎

防己 杏仁 去皮尖炒 官桂 各一兩 防風 半兩 附子 炮去皮半兩

本草序列云有人脚生瘡出外中風頭面暴腫紫黑色多睡耳輪上有浮胞小瘡黃汁出不止乃即與小續命湯倍加羌活服之而愈 歌曰中風氣逆有痰涎蘇合薑調唯下咽次用省風小續命多增木麝二



香煎往往中風之證多因喜怒不常或飲食停滯或

怒氣傷神思慮過多損於心臟用局方蘇合香丸三

丸生薑自然汁化開灌下咽喉次用局方省風湯小

續命湯各加麝香木香依法煎服一方無麝香

衛生寶鑑

附子酒 出三因方 治中風冷痰癱脹滿諸痺

大附子 一枚去皮臍切作四片

右用醇酒一升春浸五日夏三日秋冬七日每服一

合日二三服以痺住為效未知再作

欽定四庫全書 普濟方

澹寮方云

凡中風一時諸証蜂起則為困篤倉卒之間藥不可

入名醫多用蘇合香丸擦起牙關或以生半夏皂角

末吹入鼻竅或灌陳霜梅汁收其痰或服真清油調

麝香以疏通其氣又或用麝香煎五積散為之兼行

要藥倘或不然殆至風氣日增不得安愈

凡中風人湯食不下

不能嚥藥口禁不開即用黑豆二三升以青布緊裹



熱醋鍋內蘸稍熱熨病人前後心膺脊令風氣散
其口自開然後藥易下耳或炒鹽醋或用微熱灰熨
皆可

稀莨丸 出風科
集驗方 治中風口眼喎斜時吐涎沫語言蹇

澁手足緩弱

稀莨草 一名水□草生於沃
壤間帶豬腥氣者是

成訥云江陵府節度使進稀莨丸方云臣有弟訐年三
十一中中風床枕五年百醫不瘥有道人鍾鍼者因

欽定四庫全書

普濟方

覩此患曰可餌稀莨丸必愈其藥多生沃壤高三尺
許節葉相對其葉當夏五月已來收每去地五寸剪
刈以溫水洗泥土摘其葉及枝頭凡九蒸九暴不必
大燥但取蒸熟為度仍熬搗為末丸如梧桐子大空心
溫酒或米飲下二三十丸服至二千丸所患忽加不
得憂慮是藥攻之力服至四千丸必得復故五千丸
當復丁壯臣依法修合與訐服果如其言鍾鍼又言
此藥與本草所述功效相異蓋出處盛在江東彼土



立瘥	治三十年風不效者 <small>草 出本</small>	用瓊草根葉生搗羅蜜為丸服之	瓊田草 <small>草 出本</small> 治中風	右右喎掄左常用大效	治中風面目相引偏僻牙車急舌不可轉 <small>草 出本</small>	用桂心以酒煮取汁故布蘸掄病上正即止左喎掄	欽定四庫全書 <small>普濟方</small>	汁調灌喉中效	用白殭蠶以火焙乾令黃色搗篩為末用生薑自然	治中風急喉痺欲死者 <small>草 出本</small>	以羊乳和脂作羹食之	治男子女人中風 <small>草 出本</small>	壓之五月五日採者佳奉宣付醫院詳錄	為名但經蒸暴發氣自泯每當服後須喫飯三五匙	人呼猪為稀呼臭為發氣緣此藥如猪發氣故以
----	---------------------------------	---------------	--------------------------------	-----------	---	----------------------	------------------------------	--------	----------------------	----------------------------------	-----------	--------------------------------	------------------	----------------------	---------------------



療暴中風

出本
草

用緊細牛蒡根取時須避風以竹刀或荊刀刮去土
用生布拭搗絞取汁一大升和灼然如蜜四大合溫
分為兩服每服相去五六里初服得汗汗出便瘥此
方得之鄂鄭中丞鄭頃年至潁陽因食一頓熱肉便
中暴風外甥盧氏為潁陽尉有此方當時便服得汗
隨瘥神效

牛蒡根本
草名惡實

一名鼠粘草

治鍍金燒人多患風者

出本
草

欽定四庫全書

普濟方

須飲酒并食肥猪肉及服鉄漿可禦其毒

又方

出本
草

用紅藍子一升搗碎以無灰酒一大升八合拌子暴

令乾重搗篩蜜丸如梧桐子空服以酒下四十九

紅藍

子乃紅
花子也

療中風纔覺不問輕重便須吐涎然後次第治之

用羗活五大兩以水一大升煎取五升去滓更入好

酒半升和之以牛蒡子半升炒下篩令極細以前湯



酒斟酌調服取吐如已昏眩即灌之更不可用下藥	及繆刺灸但服用補治湯餌自瘥	葉氏十味剉散 <small>出醫方</small> 治中風血弱臂痛連及筋骨	舉動艱難	附子 <small>三兩炮</small> 當歸 <small>去土</small> 黃耆 <small>灸</small> 白芍藥 <small>各二</small> 川芎	不見 <small>火</small> 防風 <small>去</small> 白朮 <small>各一</small> 肉桂 <small>去粗皮不</small> 茯苓 <small>見火一兩</small> 熟	地黃 <small>洗淨用少酒蒸令</small>	右呶咀每服四錢水一盞薑八片棗三枚煎食後臨	欽定四庫全書 普濟方	卧服	治中風心煩恍惚或腹中痛滿或時絕而復甦者 <small>出本草</small>	取釜下土五升搗末以冷水八升和之取汁盡服之	口已禁者強開以筒灌之使得下入便愈甚效	神力圓 <small>出經効</small> 治手足失力麻痺悶胸打撲風血凝	滯走痲作痛及癱緩等疾	乳香 沒藥 當歸 <small>洗淨去蘆</small> 草烏 <small>好酒浸春夏</small>	晏木 葳靈仙 <small>各一</small> 五靈脂 <small>二</small>
----------------------	---------------	--	------	---	--	---------------------------	----------------------	---------------	----	--	----------------------	--------------------	--	------------	--	---



右為末用好酒煮麵糊丸如梧桐子大食後臨卧用
溫酒下五丸旋加至七八丸服藥後忌熱物少時亦
予家常用甚效

治中風語澁四肢拘急產後婦人亦宜服之

右羌活三兩為粗末每服五錢水酒各半盞煎至六
分去滓不拘時候溫服

治中風傷寒頭痛

用蒼耳根葉生搗和小兒尿絞取汁冷服一升日三

欽定四庫全書

普濟方

服甚驗

治中風面浮腫喉咽不通

用葱葉作羹粥及煤作齏食之良

治小中風

用銅綠不以多少細治如粉醋和丸如雞頭大纔覺
中者使用好酒磨下一盞須臾便吐其涎如膠令人
以手拔之候吐罷神效

治中風頭眩心肺浮熱手足無力筋骨煩痛言語似澁



一身動搖

用烏驢頭一枚燂洗如法蒸令極熟細切更於豉汁
內煮着五味調點少酥食之效

肝中風
附論

內經謂以春甲乙中風為肝風蓋體虛之人腠理開踈
肝氣不足風邪所傷筋脉拘攣手足不收言語蹇澁項
背強直多汗惡風善悲噤乾喜怒時憎女子者有頭目
暈兩脇痛行常偃僂嗜甘如阻婦狀但踞坐不得低頭
欽定四庫全書
普濟方
繞兩目連額上色微青唇青面黃者治法宜灸肝愈百
壯遂服續命湯若大青黑面一黃一白者此為肝已傷
不可復治數日而斃矣

方

龍腦丸 出聖惠方 治肝臟中風口眼不正四肢抽掣語澁

昏沉

龍腦 半兩 犀角屑 半兩 秦艽 半兩 防風 半兩 麻黃
研入 漢防風 半兩 天雄 半兩 茵芋 半兩 甘菊花
根節去 去苗 炮製 去皮 去



<p>兩半赤箭 獨活 兩半白殭蠶 微炒 兩半桂心 兩半芎藭 兩半當歸 微炒 兩半羚羊角屑 兩半鹿角膠 炒 兩半黃燥 兩半乳香 兩半烏蛇 皮骨炒 兩半酒浸 去 乾蠍 生用 兩半牛黃 研一分 硃砂 分一</p> <p>入研麝香 研一分入</p> <p>右為末入研了藥令勻煉蜜和搗三五百杵為丸如梧桐子大每服十丸以薄荷溫酒下不計時候服</p>	<p>牛黃散 出聖 治肝臟中風筋脉攣急口眼喎斜言語蹇澁神思昏憤</p>	<p>欽定四庫全書 普濟方</p> <p>牛黃 研一分 龍腦 研一分 烏犀角屑 兩半 天麻 兩半 防風 兩半 麻黃 根節去 兩半 羚羊角屑 兩半 甘菊花 兩半 蔓荊子 兩半 桑螵蛸 微炒 兩半 桂心 兩半 側子 去皮 兩半 炮製 獨活 兩半 白殭蠶 微炒 兩半 烏蛇 皮骨炒 兩半 酒浸 去 乾蠍 生用 兩半 阿膠 炒 兩半 黃燥 蟬殼 微炒 一分 硃砂 研一分 麝香 研一分</p>	<p>右為末次入研了藥更研令勻每服一錢以豆淋酒調下不計時候服</p>	<p>赤箭丸 出聖 治肝臟中風攻手足緩弱無力口眼喎</p>
---	-------------------------------------	--	------------------------------------	-------------------------------



斜精神不定行步艱難 赤箭 <small>兩半</small> 天雄 <small>兩半</small> 犀角屑 <small>兩半</small> 天南星 <small>兩半</small> 白附 <small>兩半</small>	花蛇肉 <small>兩半</small> 獨活 <small>兩半</small> 防風 <small>兩半</small> 芎藭 <small>兩半</small> 白附 <small>兩半</small>	子 <small>兩半</small> 川升麻 <small>兩半</small> 白朮 <small>兩半</small> 白殭蠶 <small>兩半</small> 桑螵蛸 <small>兩半</small>	微炒 <small>兩半</small> 當歸 <small>兩半</small> 細辛 <small>兩半</small> 酸棗仁 <small>兩半</small> 華薜 <small>兩半</small> 牛黃 <small>兩半</small>	一分 <small>研</small> 硃砂 <small>一分</small> 麝香 <small>一分</small> 龍腦 <small>一分</small>	右為末研入牛黃等令勻煉蜜和搗三二百杵丸如 梧桐子大每服不計時候以豆淋酒下二十九丸忌濕	欽定四庫全書 普濟方	麪猪肉羊血毒魚等	天麻丸 <small>出聖濟</small> 治肝臟中風筋脉不利四肢攣痺	天麻 <small>兩二</small> 苦參 <small>兩二</small> 菖蒲 <small>兩二</small> 細辛 <small>兩二</small> 赤箭 <small>兩二</small> 地榆 <small>兩二</small>	剉二 <small>兩</small> 人參 <small>兩二</small> 牛膝 <small>兩二</small> 桂 <small>兩二</small> 防風 <small>兩二</small>	赤芍藥 <small>兩二</small> 芎藭 <small>兩一</small> 當歸 <small>兩二</small> 附子 <small>兩二</small> 陳橘 <small>兩二</small>	皮 <small>湯浸去白焙</small> 木香 <small>兩一</small> 酸棗仁 <small>兩二</small> 獨活 <small>兩一</small> 藁 <small>兩一</small>	本 右為細末煉蜜和丸如梧桐子大每服二十九丸温酒
---	---	--	--	--	---	---------------	----------	--------------------------------------	---	--	---	--	----------------------------



下日二服不計時候 羚羊角散 <small>出聖 惠方</small> 治肝中風筋脉拘急言語蹇澁頭項		強直四肢不利心膈煩壅頭目眩 羚羊角屑 <small>三分</small> 防風 <small>半兩去蘆頭</small> 犀角屑 <small>半兩</small> 麻黃 <small>三分去根節</small>		前胡 <small>半兩去蘆頭</small> 人參 <small>半兩去蘆頭</small> 旋復花 <small>兩半</small> 赤芍藥 <small>兩半</small> 芎		藟 <small>三分</small> 桂心 <small>三分</small> 羌活 <small>三分</small> 當歸 <small>三分剉</small> 漢防己 <small>兩半</small> 赤茯苓		苓 <small>兩半</small> 枳殼 <small>三分微黃去穰炒</small> 黃芩 <small>兩半</small> 蔓荊子 <small>兩半</small> 甘菊花 <small>兩半</small>		甘草 <small>半兩炙</small> 酸棗仁 <small>三分微炒</small>		欽定四庫全書 普濟方		右為末每服三錢水一中盞生薑半分煎至六分去滓入竹瀝一合更煎二三沸不計時候溫服		羌活湯 <small>出聖 惠方</small> 治肝中風筋脉拘急口眼偏斜四肢疼痛		羌活 <small>三分</small> 天麻 <small>三分</small> 芎藭 <small>三分</small> 酸棗仁 <small>三分微炒</small> 鹿角膠 <small>三分搗碎</small>		炒令黃色 蔓荊子 <small>三分</small> 羚羊角屑 <small>三分</small> 人參 <small>二兩去蘆頭</small> 白附子		三分 炮裂 牛膝 <small>三分去苗</small> 肉桂 <small>三分去皮</small> 薏苡仁 <small>三分</small> 烏蛇肉 <small>三分</small>		醋拌 華薜 <small>三分</small> 犀角屑 <small>三分</small> 白鮮皮 <small>三分</small> 地骨皮 <small>三分</small> 栝子	
---	--	--	--	---	--	--	--	--	--	--	--	---------------	--	---------------------------------------	--	--	--	--	--	--	--	--	--	--	--



<p>仁<small>三分</small> 防風<small>三分</small> 蘆頭<small>去</small></p>		<p>右為末每服不計時以豆淋酒調下一錢忌雞豬魚蒜等</p>		<p>附子散<small>出聖惠方</small> 治肝中風上攻頭目旋運心驚悸悶四肢拘急</p>		<p>附子<small>一兩</small> 炮裂 酸棗仁<small>半兩</small> 防風<small>半兩</small> 羚羊角<small>去</small></p>		<p>肩<small>兩</small> 人參<small>三兩</small> 去頭 桂心<small>兩</small> 羌活<small>兩</small> 甘菊花<small>三分</small> 蔓荊<small>分</small></p>		<p>子<small>兩</small> 白蘚皮<small>兩</small> 茯神<small>三分</small> 薯蕷<small>分</small> 黃芩<small>兩</small> 龍齒<small>兩</small> 芎</p>		<p>欽定四庫全書 普濟方</p>		<p>藟<small>兩</small> 天麻<small>兩</small> 黃耆<small>兩</small> 剉 枳殼<small>半兩</small> 麸炒 微黃去穢</p>		<p>右為散每服三錢水一中盞生薑半分煎至六分去滓不計時溫服</p>		<p>桂枝酒<small>出千金方</small> 治肝虛寒卒然喑啞不聲踞坐不得面</p>		<p>目青黑四肢緩弱遺失便利厲風所積方</p>		<p>桂枝 芎藭 獨活 牛膝 薯蕷 甘草<small>各三兩</small></p>		<p>附子<small>二兩</small> 防風 茯苓 天雄 茵芋 杜仲 蒟</p>		<p>藿根 白朮<small>各四兩</small> 乾薑<small>五兩</small> 大棗<small>四枚</small> 躑躅 猪椒</p>	
--	--	-------------------------------	--	--	--	--	--	---	--	---	--	-------------------	--	--	--	-----------------------------------	--	---	--	-------------------------	--	--	--	---	--	--	--



<p>研 桂皮<small>去粗</small> 乾蠍<small>全者去</small> 麻實<small>沫焙乾一兩</small> 白附</p>		<p>天麻 蔓荊子 藿香葉<small>兩各半</small> 蟬蛻<small>去土</small> 雄黃</p>		<p>羌活<small>去蘆</small> 獨活<small>去蘆</small> 白芷<small>兩各一</small> 防風<small>兩去義一</small> 芎藭</p>		<p>痛項背倦皮膚瘙癢口面喎斜頭目眩暈</p>		<p>獨活散<small>出聖濟總錄</small> 治肝臟中風手足少力筋脉拘急骨</p>		<p>一</p>		<p>右為散空服豆淋酒調下一錢漸加至二錢日三夜</p>		<p>酒浸去苗 焙二兩</p>		<p>欽定四庫全書 普濟方</p>		<p>地骨皮<small>兩剉半</small> 栝子仁<small>一兩半生用</small> 烏蛇<small>三寸酒浸炙用肉</small> 牛膝</p>		<p>羊角<small>兩鎊一</small> 犀角<small>鎊三分</small> 蔓荊子<small>去白皮三分</small> 白鮮皮<small>剉一兩</small></p>		<p>桂<small>去粗皮</small> 一兩 薏苡仁<small>兩一</small> 鹿角膠<small>炙燥一兩</small> 白附子<small>炮裂一兩</small> 羚羊</p>		<p>羌活散<small>出聖濟總錄</small> 治肝臟中風筋脉拘攣疼痛排風</p>		<p>羌活<small>去蘆</small> 兩半 天麻<small>兩二</small> 芎藭<small>兩一</small> 酸棗仁<small>炒一兩半</small> 人參<small>兩一</small></p>		<p>合</p>		<p>右咬咀以酒四斗漬七日每服四合日二加至五六</p>		<p>葉根皮<small>各一升</small></p>	
---	--	--	--	--	--	-------------------------	--	---	--	----------	--	-----------------------------	--	---------------------	--	-----------------------	--	--	--	--	--	---	--	--	--	--	--	----------	--	-----------------------------	--	------------------------------	--



子 臍 <small>炮去皮</small> 一兩	巴戟 防風 <small>各一兩</small> 牛膝 <small>酒浸</small> 二兩 兔絲子 <small>酒浸</small> 一兩 附	桂心 白茯苓 杜仲 <small>去皮薑製</small> 一兩 山茱萸 <small>洗</small>	榮衛養氣血	喎斜脚膝緩弱及素有風手足拘攣常服補肝元行	仁壽丸 <small>出三因方</small> 治肝腎氣虛風冷所中筋脉潤動口眼	滓不計時溫服	右為散每服三錢水一中盞生薑半分煎至六分去	欽定四庫全書 普濟方	穰 <small>去</small> 蔓荆子 <small>兩</small> 當歸 <small>半兩</small> 甘草 <small>一分炙</small>	防己 <small>兩</small> 防風 <small>半兩</small> 黃芩 <small>兩</small> 天麻 <small>兩</small> 枳殼 <small>炒</small> 微黃	花 <small>兩</small> 獨活 <small>兩</small> 芎藭 <small>兩</small> 白朮 <small>兩</small> 黃耆 <small>兩</small> 石膏 <small>兩</small> 漢	犀角屑 <small>兩</small> 羌活 <small>分三</small> 羚羊角屑 <small>分三</small> 人參 <small>半兩</small> 甘菊	寒澁上焦風熱口眼喎斜脚膝疼痛無力	犀角散 <small>出聖惠方</small> 治肝中風流注四肢攻頭面煩疼言語	右為散每服二錢匕溫酒調下不計時候	子 兩 <small>炮一</small>
---------------------------------	---	---	-------	----------------------	--	--------	----------------------	---------------	--	--	--	--	------------------	--	------------------	--------------------------



日逐日空心食前飲一盞常醺勿令吐	右細剉入絹袋盛貯之用無灰酒一斗九升封漬七日	杜仲 牛膝 桂枝 各一兩	附子 茵芋 羌活 各一兩 石斛 二兩 丹參 二兩 牛蒡根 二兩 大麻子 一升	地黃酒 <small>出本</small> 治中風在肝脾語蹇脚弱大便多秘	卧服	如梧桐子大每服十五丸嚼破以荆芥茶清下食後	欽定四庫全書 普濟方	右除研三味外搗羅為末細入研藥再羅煉蜜和丸	麝香 半兩 白殭蠶 半兩 天南星 臍半兩	天麻 人參 乾蠍 丹砂 龍腦 各一兩 義 兩 去 兩 又 兩 分 兩	犀角 獨活 芎藭 羚羊角 防風 各一兩	犀角丸 <small>出聖濟</small> 治肝臟中風肢體拘急頭痛旋暈	湯米飲食前任下一方有肉蓯蓉酒浸一宿焙乾一兩	右為散煉蜜丸如梧桐子大每服三五十丸温酒鹽
-----------------	-----------------------	--------------	--	--------------------------------------	----	----------------------	---------------	----------------------	----------------------------	--	---------------------	--------------------------------------	-----------------------	----------------------



<p>天雄散 <small>出聖濟總錄</small> 治肝中風肢體不隨頭目眩昏四肢無力補虛損益元陽</p>	
<p>天雄 <small>炮裂去皮臍</small></p>	<p>山茱萸 桂 <small>去粗皮</small> 附子 <small>炮裂去皮臍</small> 秦艽</p>
<p>獨活 <small>去苗土</small></p>	<p>山芋 白斂 乾薑 <small>炮裂</small> 狗脊 <small>去毛乾</small></p>
<p>漆 <small>炒令烟盡</small> 防風</p>	
<p>右為散每服二錢溫酒下空心日午近晚三服</p>	
<p>赤茯苓散 <small>出聖惠方</small> 治肝臟中風氣壅語澁四肢拘急</p>	
<p>赤茯苓 <small>一兩</small> 黃耆 <small>一兩</small> 黃芩 <small>三分</small> 酸棗仁 <small>半兩</small> 防風 <small>半兩</small></p>	
<p>欽定四庫全書 普濟方</p>	
<p>羚羊角屑 <small>一兩</small> 薺蕪 <small>三分</small> 麻黃 <small>二兩</small> 芎藭 <small>三分</small> 獨活 <small>半兩</small> 枳殼 <small>三分</small> 麸炒 <small>微黃</small> 甘草 <small>半兩</small> 炙 <small>微黃</small></p>	
<p>右為散每服三錢水一中盞入淡竹葉三七片煎至五分去滓入荆瀝半合更煎一二沸不計時候溫服忌雞猪肉炙燂等</p>	
<p>薏苡仁散 <small>出聖惠方</small> 治肝中風四肢攣急身體強直</p>	
<p>薏苡仁 <small>三兩</small> 防風 <small>二兩</small> 麻黃 <small>二兩</small> 附子 <small>一兩</small> 細辛 <small>一兩</small></p>	
<p>芎藭 <small>一兩</small> 桂心 <small>一兩</small> 獨活 <small>一兩</small> 栝子仁 <small>一兩</small> 石膏 <small>一兩</small> 細辛 <small>一兩</small></p>	



右粗搗篩每服五錢匕水一盞半煎至八分去滓入	三 兩黃芩 去黑心 三分	合 兩款冬花 二 兩前胡 去蘆頭 一兩 茯苓 去木 兩半 防風 去 叉	白鮮皮 人參 各一分 芍藥 芎藭 各三分 知母 兩一 百	抽掣	白鮮皮湯 出聖濟 總錄 治肝虛中風目眩視物不明筋肉	葶稀粥投微汗出慎外風	八分去滓服空心午時夜卧各一服後喫熱生薑葱	欽定四庫全書 普濟方	右粗搗篩每服五錢匕水一盞半薑半分切片煎至	兩 半杏仁 去皮尖 雙仁炒	人參 當歸 切 焙 防風 去又各 半兩 麻黃 去根節 煎沸 去沫 焙乾一	石膏 兩碎一 芎藭 芍藥 桂 皮去粗 黃芩 去黑 心 甘草	石膏湯 出聖濟 總錄	右為末每服三錢水一中盞生薑半分煎至六分去	滓不拘時溫服忌雞豬魚蒜等	一 兩羚羊角屑 一 兩枳殼 一 兩麸炒 微黃去穢
----------------------	-----------------------	--	--	----	------------------------------------	------------	----------------------	---------------	----------------------	------------------------	---	--	------------------	----------------------	--------------	--



麥門冬散 <small>出聖 惠方</small> 治肝中風語澁煩躁四肢拘急	澤不計時候溫服	右為散每服三錢水一中盞生薑半分煎至六分去	芎藭 <small>分三</small>	枸杞子 <small>兩一</small> 薯蕷 <small>兩一</small> 牛膝 <small>去一兩</small> 天麻 <small>兩一</small> 葶藶 <small>兩一</small> 茯苓 <small>兩一</small>	下目多冷淚肢節無力	枸杞子散 <small>出聖 惠方</small> 治肝中風致筋脉舒緩舉脚不知高	欽定四庫全書 普濟方	澤不計時候溫服	右為末每服三錢水一中盞生薑半分煎至六分去	酸棗仁 <small>分三 微炒</small> 甘草 <small>分三 微赤剉</small>	通判 <small>分三</small> 麥門冬 <small>分三 去心</small> 防風 <small>分三 蘆頭 去</small> 羌活 <small>分三</small> 漢防己	秦艽 <small>分三 去苗</small> 茯神 <small>分三</small> 桑根白皮 <small>分三 剉</small> 犀牛角屑 <small>分三 木</small>	履不穩	秦艽散 <small>出聖 惠方</small> 治肝中風語澁筋脉舒緩面上浮腫行	竹瀝半合重煎一兩沸放溫臨卧再服
--	---------	----------------------	-------------------------	---	-----------	--	---------------	---------	----------------------	---	--	--	-----	--	-----------------



丸金銀花薄荷湯下日午夜卧服	右為末煉蜜丸如梧桐子大辰砂為衣每服四五十	棗 栝仁 犀角 茯神 沉香 龍齒 <small>兩各一 兩各半</small>	真珠 當歸 熟地黄 人參 酸 <small>二分研一方 用真珠母 兩各一</small>	守狀若驚悸	真珠丸 <small>出危氏方</small> 治肝經因虛內受風邪卧則魂散而不	下日三夜二	右搗羅為末煉蜜丸如梧桐大每一服十五丸温酒	欽定四庫全書 普濟方	雄黃丸 <small>出聖濟總錄</small> 治肝中風四肢攣急身體强直 雄黃 <small>別研一兩</small> 續斷 <small>一兩</small> 桂 <small>去粗皮一兩</small> 天南星 <small>生用一兩</small> 烏頭 <small>炮去</small> 皮臍 <small>一兩</small> 菴活 <small>一兩</small> 茵芋 <small>一兩半</small> 炮裂 一兩 蘆頭 <small>一兩</small> 茵芋 <small>去皮臍一半生用</small>	半合更煎一二沸不計時温服忌酒肉麪炙燻等	右為末每服三錢水一中盞煎至六分去滓入竹瀝	已 甘草 <small>三分炙 兩半 微赤剉</small>	麥門冬 <small>去心一兩</small> 茯神 <small>三分</small> 木通 <small>三分剉</small> 犀角屑 <small>三分</small> 川升麻 <small>一分</small> 分 防風 <small>三分去蘆頭</small> 獨活 <small>兩半</small> 玄參 <small>兩半</small> 川朴硝 <small>半兩</small> 漢防
---------------	----------------------	--	---	-------	---	-------	----------------------	------------	---	---------------------	----------------------	--------------------------------	--



<p>天麻丸 治肝風頭目暈動筋絡拘急或肢體弛緩不收</p>	<p>天麻 三兩 酒浸二宿 焙乾用 防風 去叉 甜瓜子 各半 葳靈仙 去苗</p>	<p>半 兩 玄參 洗淨 焙乾 地榆 洗淨 焙乾 烏頭 去皮臍 用各一兩 龍腦 研 麝</p>	<p>香 研各一兩</p> <p>右搗極細用蜜四兩河水四盞同熬及四兩將藥末一兩半入在蜜內更熬三五沸候冷入餘藥拌和杵三五百下丸如雞頭大每服一丸細嚼茶下</p>	<p>欽定四庫全書 普濟方</p>	<p>獨活散 出聖惠方 治肝中風筋脉拘急肢節疼痛起臥艱難</p>	<p>獨活 一兩 羚羊角屑 一兩 麻黃 一兩半 去根節 當歸 一兩 剉 五加皮 一兩 附子 一兩 炮裂 去皮臍 甘草 半兩 炙 荆芥 半兩 桂心 一兩</p>	<p>右為散每服三錢水一中盞生薑半分煎至六分去滓不拘時候溫服忌猪肉毒魚等</p>	<p>丹砂丸 出聖濟總錄 治肝臟中風手足麻痺筋脉拘攣</p>
-------------------------------	--	---	--	-------------------	----------------------------------	---	--	--------------------------------



丹砂 <small>別研</small> 芎藭 羌活 <small>去蘆頭</small> 荆芥 <small>各一兩</small> 白附子 天	南星 <small>炮裂</small> 乾蠍 <small>去土炒</small> 半夏 <small>湯洗去滑姜製搗</small>	右為細末煉蜜和丸如梧桐子大空心食前溫服下 十九日三二服	升麻湯 <small>出聖濟總錄</small> 治肝虛中風頭痛目眩脅中客熱氣	壅五心煩悶	升麻 <small>一兩</small> 玄參 地骨皮 <small>各一兩</small> 前胡 <small>一兩半</small> 葛根 <small>去蘆頭</small>	二兩 羚羊角屑 <small>二兩</small> 酸棗仁 <small>一兩</small>	欽定四庫全書 普濟方	右粗搗篩每服五錢匕水一盞半煎至八分去滓入 竹瀝半合重煎一兩沸放溫食後服如人行五六里 更進一服	竹瀝湯 <small>出聖惠方</small> 治肝中風心神煩熱言語蹇澁少得眠	竹瀝 <small>三合</small> 荆瀝 <small>二合</small> 生薑汁 <small>二合</small> 白蜜 <small>半合</small> 葛根汁 <small>二合</small>	右藥相和令勻每服一合服宜頻服	羚羊角散 <small>出聖惠方</small> 治肝中風筋脉拘急舌強語澁	羚羊角屑 <small>一兩</small> 獨活 <small>一兩</small> 附子 <small>一兩</small> 炮裂
---	--	--------------------------------	---	-------	--	---	---------------	--	---	--	----------------	---------------------------------------	---



右為末每服三錢水一中盞生薑半分煎五分去滓
入竹瀝半合更煎一二沸溫服

治肝元風壅侵傷痺氣非時兩肋下鳴當胃脘上疼痛
面多赤色宜喫此方

白蒺藜去刺 京三稜 芫花醋炮炒 芍藥 木香

檳榔 羌活各等分

右為細末非時熱湯調下二錢

白散子出德生堂 治肝腎虛為風所襲卒中涎潮昏塞

欽定四庫全書

普濟方

不語嘔吐痰沫頭目眩暈上實下虛真陽耗竭兼治
隱症傷寒六脉沉絕昏不知人事又治霍亂吐瀉飲
食不進及小便淋瀝不通並及赤口瘡咽喉冷痛一
方治痰涎上厥頭疼旋暈四肢逆冷口眼喎斜語言
不出牙關緊急如有風涎証皆可服之

大附子 桂府滑石 圓白半夏

右為末每服二錢水二盞薑七片蜜半匙煎至七分
空心冷服如心燥加辰砂如霍亂加藿香如小便不



利加木通燈心茅根煎此藥雖有差互亦無所苦							欽定四庫全書 普濟方							普濟方卷八十九
---------------------	--	--	--	--	--	--	---------------	--	--	--	--	--	--	---------

